

Broj: 01-1-1014/24
Datum: 28.6.2024. godine

ZAPISNIK SA 38. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 27.6.2024.godine (četvrtak) u poslovnoj zgradi Biblioteke, u ulici Mis Irbina br.4, sa početkom rada u 16.30 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora,
- Ivana Henda, članica Upravnog odbora,
- Midhad Kurtović, član Upravnog odbora ispred kolektiva (nije prisutan)
- Sanja Vasilić, v.d. članica Upravnog odbora
- Alma Jusufbegović, v.d. članica Upravnog odbora

Sjednici također prisustvuje direktorica JU Biblioteka Sarajeva, Merima Lendo, Emira Kulenović (izvjestilac Ad.4., Bibliotekar – voditelj odjeljenja).

Zapisnik vodi Janjoš Ajla – Voditelj službe za pravne poslove.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 37. sjednice Upravnog odbora JU „Biblioteka Sarajeva“ održane dana 23.5.2024. godine
Prilog: Zapisnik sa 37. sjednice Upravnog odbora;
2. Utvrđivanje zaključaka o realizovanim odlukama i aktivnostima sa 37. sjednice;
3. Donošenje Odluka o davanju saglasnosti za provođenje postupka javnih nabavki u iznosu preko 5.000 KM;
Prilog: Odluke o davanju saglasnosti (x2);
4. Donošenje Odluke u skladu sa Zapisnikom komisije za provođenje revizije (Odjeljenje Dobrinja);
Prilog: Odluka o otpisu bibliotečke građe;
5. Razno.

Ad. 1

Razmatranje i usvajanje Zapisnika sa 37. sjednice Upravnog odbora JU „Biblioteka Sarajeva“ održane dana 23.5.2024. godine, **usvojen sa 3 glasa za i 1 suzdržan.**

Ad.2

Utvrđivanje zaključaka o realizovanim odlukama i aktivnostima sa 37. sjednice, **usvojen sa 3 glasa za i 1 suzdržan.**

Ad.3

Donošenje Odluke o davanju saglasnosti za realizaciju postupka javne nabavke usluge građevinskih radova u pozajmnom odjeljenju u ul. Mula Mustafe Bašeskije br. 33 u iznosu preko 5.000,00 KM, **jednoglasno usvojeno sa 4 glasa.**

Donošenje Odluke o davanju saglasnosti za realizaciju nabavke periodike u iznosu preko 5.000,00 KM, **jednoglasno usvojena sa 4 glasa.**

Ad.4

Kao izvjestilac četvrte tačke dnevnog reda, Kulenović Emira, predsjednik Komisije za provođenje revizije navela je da je revizija na Dobrinji izvršena metodom skeniranja inventarnih brojeva građe na policima i kartoteke čitalaca i metodom čitanja inventarnih knjiga i knjižnog fonda za dio bibliotečke građe koja nije preinventarisana.

Također predsjednica Komisije je navela da u pogledu zbirke stripove, 1/3 primjeraka nije adekvatno inventarisana, te da su 3 predložena za otpis zbog dotrajalosti.

Stoga je, Upravni odbor JU Biblioteka Sarajeva **jednoglasno usvojio sa 4 glasa za Odluku za otpis bibliotečke građe u u pozajmnom odjeljenju Dobrinja, u ulici Omladinskih radnih brigada br.2, a sve u skladu sa Zapisnikom Komisije za provođenje revizije.**

S tim u vezi, na prijedlog Komisije o provođenju revizije bibliotečkog fonda u odjeljenju Dobrinja, rashoduje se 891 bibliotečka jedinica u ukupnom iznosu od 3.342,89 KM. U otpis idu sljedeće:

- Knjige izlučene sa polica – 612 inventarnih jedinica, u ukupnom iznosu od 1.466,98 KM (broj spiska 1.)
- Inventarni manjak – 65 inventarnih jedinica, u ukupnom iznosu od 478,95 KM (broj spiska 2.)
- Kartoni knjiga – 31 inventarna jedinica, u ukupnom iznosu od 667,12 KM (broj spiska 3.)
- Prekobrojni primjerci – 78 inventarnih jedinica, u ukupnom iznosu od 510,74 KM (broj spiska 4.)
- Neprerađena građa sa oštećenjem ili sadržajno zastarjela – 28 inventarnih jedinica, u ukupnom iznosu od 179,10 KM (broj spiska 6.), te
- N – rukopisni inventar – 17 inventarnih jedinica, u ukupnom iznosu od 40,00 KM (broj spiska 7.).

Ad.5

Kao izvjestilac pod tačkom Razno, voditelj Službe za pravne poslove, Janjoš Ajla upoznala je Upravni odbor da je JU Biblioteka Sarajeva, rješavajući po zahtjevu za pristup informacijama zaprimljenim pod br. 10-912/24 od 3.6.2024. godine, podnosioca Pilav Amira, donijela Rješenje kojim se zahtjev za pristup informacijama odbija, iz razloga propisanim članom 8., Zakona o slobodi pristupa informacijama u F BiH, u kojem je propisan izuzetak kod zaštite privatosti. S obzirom da se tražene informacije mogu smatrati ličnim informacijama, kao i da tražene informacije zalaze u sferu narušavanja privatnosti osoba za koju se podaci traže, odlučeno je da se takav zahtjev odbije, jer bi davanjem takve informacije bio narušen privatni prostor trećeg lica. Također, podnositelj ni u kojem slučaju nije „opšta javnost“ ili „cjelokupna javnost“, odnosno „javno mnijenje“, koje bi imalo uvid u lične podatke, te s obzirom da tražena informacija nije opravdana javnim interesom, kao i da uključuje privatnost treće osobe, a koje pravo je zagarantovano konvencijama i domaćim ustavnim i zakonskim odredbama, odlučeno je da se takav zahtjev odbije. Nadalje, Voditeljica je navela da je podnositelj imao pravo na žalbu, a koje pravo je blagovremeno iskoristio, te je Upravnom odboru JU Biblioteke Sarajeva izjavio žalbu na Rješenje, dana 13.6.2024. godine, koja je dostavljena i ponovno pročitana prisutnim članovima Upravnog odbora.

U skladu sa naprije navedenim, Upravni odbor je rješavajući na sjednici po žalbi Pilav Amira zaprimljenom pod br. 10-986/24 od 13.6.2024. godine, na rješenje JU Biblioteka Sarajeva broj: 06-2-938/24 od 5.6.2024. godine, u predmetu ostvarivanja prava na pristup informacijama, istu **odbio kao neosnovanu**, iz razloga što je članom 10. Pravila JU Biblioteka Sarajeva propisano je da kao predstavnik, direktor je ovlašten da istupa u ime Biblioteke, a kao zastupnik, ovlašten je da u ime Biblioteke i za njen račun, u okviru registrovane djelatnosti, a u granicama svojih ovlaštenja utvrđenih Zakonom, ovim Pravilima i drugim opštim aktima Biblioteke, zaključuje ugovore i preuzima sve vrste pravnih radnji, kao i da zastupa Biblioteku pred sudovima i drugim organima, ustanovama i organizacijama. Nadalje, članom 12. Pravila, propisuje se da je direktor Biblioteke ovlašten da potpisuje isprave, dokumenta i sva druga akta koja se izdaju i donose u Biblioteci, a koja su u nadležnosti i djelokrugu njegovih ovlaštenja, odnosno poslove i ovlaštenja utvrđena ovim Pravilima i drugim opštim aktima Biblioteke. Nadalje, Upravni odbor je mišljenja da JU Biblioteka Sarajeva, nema Službenika za informisanje, niti ima to sistematizovano radno mjesto, a uzimajući u obzir i činjenicu da se JU Biblioteka Sarajeva već godinama bori sa manjkom radne snage, što bibliotekara, što pravnika, te imajući u vidu i da je po Pravilima direktor ovlašten da potpisuje isprave, dokumente i sve druge akte, koja se izdaju i donose u Biblioteci, s tim u vezi je i napisana osporavana pouka o pravnom lijeku, iz razloga što Upravni odbor odlučuje kako po žalbama zaposlenika, tako i u drugom stepenu na ostala rješenja, dok je rok za žalbu ostavljen u skladu sa članom 227. Zakona o upravnom postupku F BiH, u kojem je propisano da se žalba protiv rješenja podnosi u roku od 15 dana, osim ako zakonom nije drugačije određeno. S obzirom na naprijed navedeno, JU Biblioteka Sarajeva nije oduzela pravo žalitelju na podnošenje žalbe ili prigovora, a sve i da je tehničkom greškom pogrešno uputila žalitelja poukom ili ostavila duži rok, isti je prema članu 208. stav 4. Zakonu o upravnom postupku F BiH mogao postupiti po važećim propisima ili

uputstvu, s obzirom da stranka koja postupi po pogrešnom uputstvu ne može zbog toga imati štetnih posljedica, što je žalitelj i uradio, te žalbu predao blagovremeno u propisanom roku.

U pogledu tvrdnji da žalitelju nisu poznata Pravila JU Biblioteka Sarajeva, te da ista traži na uvid i kopiranje, pregledom Web stranice JU Biblioteka Sarajeva jasno i transparentno su postavljena Pravila JU Biblioteke Sarajeva, kao i drugi Zakoni i pravilnici, te se stoga žalitelj mogao upoznati i preuzeti ista sa web stranice Javne ustanove.

Žalitelj nije osporavao razloge za odbijanje zahtjeva o pristupu informacijama.

Na koncu, Upravni odbor je uputio žalitelja o pouci o pravnom lijeku, u smislu da protiv rješenja žalba nije dozvoljena, te da se može pokrenuti tužba za pokretanje upravnog spora u roku od 30 dana od dana prijema rješenja pred Općinskim sudom u Sarajevu.

Zaključuje se sjednica u 17.30

ZAKLJUČCI:

- Razmatranje i usvajanje Zapisnika sa 37. sjednice Upravnog odbora JU „Biblioteka Sarajeva“ održane dana 23.5.2024. godine, **usvojen sa 3 glasa za i 1 suzdržan.**
- Utvrđivanje zaključaka o realizovanim odlukama i aktivnostima sa 37. sjednice, **usvojen sa 3 glasa za i 1 suzdržan.**
- Donošenje Odluke o davanju saglasnosti za realizaciju postupka javne nabavke usluge građevinskih radova u pozajmnom odjeljenju u ul. Mula Mustafe Bašeskije br. 33 u iznosu preko 5.000,00 KM, **jednoglasno usvojeno sa 4 glasa.**

Donošenje Odluke o davanju saglasnosti za realizaciju nabavke periodike u iznosu preko 5.000,00 KM, **jednoglasno usvojena sa 4 glasa.**

- Upravni odbor JU Biblioteka Sarajeva **jednoglasno usvojio sa 4 glasa za** Odluku za otpis bibliotečke građe u u pozajmnom odjeljenju Dobrinja, u ulici Omladinskih radnih brigada br.2, a sve u skladu sa Zapisnikom Komisije za provođenje revizije.
- Kao izvjestilac pod tačkom Razno, voditelj Službe za pravne poslove, Janjoš Ajla upoznala je Upravni odbor da je JU Biblioteka Sarajeva, rješavajući po zahtjevu za pristup informacijama zaprimljenim pod br. 10-912/24 od 3.6.2024. godine, podnosioca Pilav Amira, donijela Rješenje kojim se zahtjev za pristup informacijama odbija
- Pod tačkom Razno voditelj Službe za pravne poslove, Janjoš Ajla upoznala je Upravni odbor da je JU Biblioteka Sarajeva, rješavajući po zahtjevu za pristup informacijama zaprimljenim pod br. 10-912/24 od 3.6.2024. godine, podnosioca Pilav Amira, donijela Rješenje kojim se zahtjev za pristup informacijama odbija. Također, podnosioc je imao pravo na žalbu, koje pravo je blagovremeno iskoristio, te je Upravnom odboru JU Biblioteke Sarajeva izjavio žalbu na Rješenje, dana 13.6.2024. godine, koja je dostavljena i ponovno pročitana prisutnim članovima Upravnog odbora. Upravni odbor je rješavajući na sjednici po žalbi Pilav Amira zaprimljenom pod br. 10-986/24 od 13.6.2024. godine, na rješenje JU Biblioteka Sarajeva broj: 06-2-938/24 od 5.6.2024. godine, u predmetu ostvarivanja prava na pristup informacijama, istu **odbio kao neosnovanu.**

[Redacted signature]

